

مکرمات الخیل


❁ ادبی و سیاسی رسالهٔ اسبوعیه در ❁

۳۱ نجی سنه

۲۲ جمادی الاولی ۱۳۳۰

❁ پنجشنبه ❁

جلد : ۱۴ - جزو : ۱۴۵



اوپنجی ناپولیون و جنرالری

[مابعد عن جزؤ ۱۴۴]

موسم شتاده سیواستوپولک محاصره سی کیفیتی خوش بر مشغله تشکیل ایتبور ایدی . باش قوماندان قازروبر اطرافنده بولنانلردن یالکیز برداتک مظهر استناد ومظاهرتی اولمقده ایدی . اوده میرالای مارتیمیره ارکان حربیه ضابطی اوله رق بوراده برنجی ومؤخرأ ایتالیاده ایکنجی بر مرتبه یی احراز ایتمکده ایدی ؛ قایینه رئیس اولان اترقشوا علی العاده خصائل مرغوبه سنه رغماً چوق سولسی نتیجه سی اوله رق نظر دقتی جلب ایتمش ایدی . فرقه قوماندانلری ایله قازروبرک ایش گورمسی قولای دکل ایدی . جنرال بوسکه متعادیا میرلداقمده ومؤخرأ گلان وقازروبردن قدملی اولان جنرال (فوره ی) دخی خشونت طبعندن طولایی نفرت عامه یی قازانمش ایدی . استحکام ضابطی اولان جنرال فروسار ایسه مالاوقوف اوکنده کی عملیات محاصره دن طولایی تمیز ایتمش ایدی . — ۱۸۵۴ سنه سی کانون اولنده ناپولیونک صبری بسبتون توکمش وبالذات فرانسه یی ترک ایدمه مدیکندن طولایی کنندی یاوری جنرال دوق دومونته بللوی قریه سوق ایلش ایدی . پک زیاده شیق وظریف وفقط عسکرلک نقطه نظرندن ضعیف اولان بودات پک چوق کیمسه لر ایله نازکانه ومتواضعانه اداره کلام ایلسنه مبنی کندیسنه رتبه ونشانلر تأمین ایتمش وفقط پارسه عودتنده احواله دار ناپولیونه پک آاز ایضاحات اعطا ایدمه یلشدر . بونک اوزرینه ناپولیون کنندی اطرافنده بولنانلردن جنرال (نیل) ی گوندرمه قرار ویردی . بودات ایسه استحکام صنفندن یتیشمش ، فوق العاده غیور ، معلوماتی ، فعال ، ملتفت ، متواضع ، فکری اولوب زهرمین بایست ، قازروبره دار یازدینی خاطر اتنده شووجهله تصویر ایلشدر : « پک زیاده خلوق ، خیر خواه ، استقامت طبعه

مالك ، هر دلو انتريقه نك خصمى اوله رق قريم حربى ائناسانده كنديسنة اوله
بروظيفه تحمیل ايدلش ایدی . كه فوق العاده حسن نيته رغماً ، الجای احوال
وظيفه سنی اكثر يا يك مشكل و ناخوس قيلشدر . « مشار اليه » قانروبري
سيواستوپولك كاملاً احاطه سته و فقط محاصره نك رفعنه سوق ايلك ايله مكلف
ایدی . اگر قانروبر مخالفت كوستيرسه باش قوماندانلق امری جنرال (نيئل) ك
جيينده ایدی . ۱۸۵۵ سنه سی شبا طنده جزايردن جلب ايديلوب لزومی تقديرنده
كنديسنه باش قوماندانلق وظيفه سی توديعی حربيه نظارنی طرفندن مصمم وموعود
اولان جنرال پليسيه نك قريمه مواصلقى احوال و مباسباتی دها زياده تصعيب ايتمش
ایدی . پليسيه فوق العاده حازر شهرت ایدی : « عموم قوماندانلقه عائد خصلتلى
حازر اولان پليسيه در حال قرار ويرمش و قرارينى دخى مسئوليت ذاتيه سی آلتنده
همان اجرايه باشلامش ایدی ؛ الك شدتلى هيچان ائناسانده سسكونت تامه يي محافظه
ايدم يلكده ایدی مارشال بوژودن برى الك ابي جنرال مشاراليه ایدی . »

شخصيت نقطه نظرندن الك كوچك بر اعتراض بيله وارد اولميان - و قريم
حربنده ايكي دفعه جريحه دار اولان - قانروبرك . اطرافنده كي مستشارلر تعدد
ايتدكه وظيفه سی كيتدكه كسب مشكلات ايدلى . ناپوليونك عدم ممنونيتى كنديسنه
معلوم ایدی . مايسك و سطنده ايسه ناپوليونك مقررلرندن بيگباشى قاوه دخى
كلهرك محاصره نك رفی امرينى كتيرمش ایدی . دها نيسان آينده مصمم اولان
برجومك و انكليزلر طرفندن آرزو ايديلان بردونما تعرضنك اجراسنه جنرال
نيئل مانع اولمش ایدی . ناپوليونك تاثيرات خفيه سی قانروبرك حاكيتنى خللدار
ايتكده ایدی ؛ جنرال پليسيه محافظه حرمت و زناكت ايلديكي حالده جنرال پوسكه
اطاعتسزلكه باشلامش ایدی . قانروبر ايسه ايشك بويولده جريان ايدميه چكنه
قانع اولدينى ايچون مايس اواسطنده استعفا ايتمش ایدی . جنرال نيئل بونی
استماع ايلديكي زمان حربيه ناظرينه شويله تلفراف چكمش ایدی : « جنرال
قانروبرك استعفا سنی بلاتردد قبول ايدنگز . اق ، يك بورغون دوشمشدر .
جنرال پليسيه باش قوماندانلى در عهده به حاضر در . » جنرال پليسيه كافه سندن

قدمی اولمق حسبیلله باش قوماندان تعیین ایدلمسینه و جنرال (نیل) كڭ انتخابه حربیه ناظرى (وایان) كڭ رأى موافقت ویرمامسینه ناپولیونك پك زیاده جانی صیقیش ایدی . قانروبر اوراده آلیقونهرق یكی تشکیل ایدیلان برنجی قول اردویه ، پلیسیه نك یرینه تعیین اولندی .

بو وجهله تبدل شخصیتدن طولانی جنرال نیل پك زیاده آلدانش ایدی . سیواستوپولی احاطه ایتمكدن و رفع محاصره مقصدیلله كلكده اولان روس قوای عسكریه سینه قارشى تعرضه كچمكدن عبارت اولان پلاتی پلیسیه طرفدن اصلا موقع مباحثه وضع ایدیلهرك یكدن رد ایدلدى . لکن نیل امپراطورك بوفكر وینتده اولدیغنى سویلیدیكى زمان پلیسیه آڭا بوراده قوماندان كندیسى اولدیغنى و مسئولیتی درعهده ایتمش بولندیغنى و عملیات محاصره قوماندانی اولهرق (نیل) كڭ همان قلعه نك اوڭنه وظیفه سی باشنه كیتمی جوانی ویرمش ایدی . نیل ایچون سكوت ایتمكدن بشقه چاره قلاماش ایدی . ناپولیون جنرال پلیسیه نك بوغراب و معامله سنى اصلا نسیان ایلدى . محاصره نك صورت مسعودانهده ختامندن صڭره پلیسیه یارسده پك یارلاق برطرزده استقبال و قبول ایدیلهرك مارشال نصب ایدلمش ایدی ؛ فقط مسلك عسكریسى پك چابوق منقطع اولهرق لوندره سفارتنه تعیین اولندی .

انهای محاصره ده ناپولیون ایله پلیسیه آره سنده کی مناسبات ، خارق العاده کرکین ایدی . كندی پلاتی پلیسیه نك تصویب ایلدیكنی ایشتدیكى زمان ناپولیون شویله تلغراف چكمش ایدی : « سزه اعتماد ایدیورم و بورادن اردویه قوماند ایتك ایسته میورم ؛ فقط مقصدیمى سزه سویلیه بیلیرم و سزده نظر مطالعه یه آلمغه مجبور سڭز . روسیه اردوسی اول امرده دوچار مغلوبیت ایدلمی و سیواستوپول بوندن صڭره محاصره اولملى در بوغایى بویوزلرندن طونماق . مانوره اجرا ایتك لازمدر . » . بو تلغرافه حربیه ناظرى طرفندن ۳۳ حال جواب ویرمى ایچون كندیسینه واقع اولان تبلیغات اوزرینه پلیسیه « مسائل سوق - الجیشیه داتر تلغرافله مباحثه دن بر فائده حاصل اوله میه جنى » جوانی ویرمش

ایلدی . امپراطور بوجوابه فوق العاده غضبناك اوله رق : « اختلاف افكاردن دكل . امر و اطاعتدن بحث اولنیور . » جوانی ویرمش ایدی . پلیسییه فکرنده مصر اوله رق . قلعه یی شمال جه تندنده احاطه ایتمکسزین . مالا قوفه قارشى عملیات محاصره یی ایلرولتمکک دوام ایلدی .

۱۸۵۵ سنه سی حزررانسك یدنجی گونی بو طایبه نك قارشوسنده بولنان روس مواضع خارجه سنی قانلی بر محاربه دن صکره ضبط ایلدی . امپراطور اون درت کون متدایاً هیچ برکله ستایشکارانه صرف ایتمه رك یالکیز فرانسز اردوسنك عاقبت صحرا حربنه مباشرت ایدم جکینه انتظار اولندیغنی سویلدی . ایشته آرده سهو . تقهم اوزون مدت بو وجهله اوتیه بری به صاللاندى و ۱۸ حزررانده واقع اولان بیوک هجومك موفقیتله نتیجه لتمامسی ناپولیونك صبر و آرامنی سلب ایلدیکندن پلیسییه قبا بر مکتوب یازمش ایدی . زهرمن بایست بو مکتوبی قازوبرك خاطر اطنه درج ایلش ، آندن بر مثال : « بنم صبرم توکنندی ، امرمك اصفا ایدلماسنه آرتق ده صبر ایدم عنادکزده اصرار ایتمکزی منع ایتدم ، فقط سز امرمه اطاعت ایتبورسکیز حتی هجومده موفق بیله اولمش اولسه ایدیگیز بنم نظرمدنه قباحلیسکیز . » . الحاصل پلیسییه اگر مخالفتده دوام ایدمك ایسه قوماندینی (نیل) ترك ایلسنی یازدی . واقعا ناپولیونك امری اوزرینه حربیه ناظری وایان بومکتوبی کوندردی ، فقط آتی مارسیلیاده آلیقویدیدی . (وایان) ك و شایان اعتمادی اولان برچوق کیمسه نك رجاسی اوزرینه ناپولیون مکتوب مذکوری گورو آلدی . آرتق پلیسییه بوندن بویله سربستی تامه مالک اوله رق طوبیجی (لؤلوف) ك ، استحکام (فروسار) و (نیل) ك معاوتی سایه سنده قلعیه تقریه موفق اولدی .

ایلولك سکزننجی گونی اجرا ایدیلان هجوم ایله سیواستوپول سقوط ایلدی . (قازوبر) ك بر آی اول پارسه جلبی امری کلمش اولان اسکی فرقه سنه مالا قوف هجومی اناسه سنده (ماق ماهون) قوماند ایتمکده ایدی ، که ضبط ایدیلان طایبه ده

بر انکلیز ضابطی طرفندن واقع اولان سؤاله قارشى شو جواب مشهورى ويرمش ايدى : « بوراده يم ، بوراده قاله جفم :

j'y suio, j'y reste . »

ايشته بووجهله بر چوق اوغراشمه دن ، آلدانشدن صگرمه عاقبت قريم حربى ختامه ايردى . واقعا ناپوليون بوغبله ايجون شهر آيين ياپديردى ، فقط جنراللرک برچوق خصوصانده کندی امرينه ، نصيحتنه ، نيته مخالفتده بولغملرى قلبنده برعقده تشکيل ايلش ايدى . کنديسنک امنيت و توجهنى يالگيز جنرال تيهل ، فروسار ، لوبوف ، تروشوف و آلايدن يتيشمش اولان ماق ماهون قازانش ايدى .

ايتاليا سفرى

مهارت سوق الجيشى سنى قريم سفرنده ارايه موفق اوله ميان ناپوليونه ايتاليا سفرنده بر وظيفه مهمه و قطعيه اصابت ايلشدر . ناکهاني برصورتده (مازانسا) يه طوغرى صوله يورويش اجراسى بالخاصه کندی اثر مهارتى در . فرانسه ارکان حربيه عموميه سى ۱۸۷۰ حربنه دائر نشر ايلديكى اثرده حتى بوموفقيتى دخى تصديق ايتامکده و پروسيه امرای عسکريه سندن بر ذات دخى ناپوليونک يالگيز آوسترياليرک افکار و نيانسه لايقيه و قوفندن ناشى بو وجهله حرکته بولنديغنه اعتقاد ايتمک لازم کله چكى فکرنده بولمقده ايسه ده (قارور) بوقرارک طوغريدن طوغرى به ناپوليون طرفندن واقع اولديغنى اعتراف ايتمکده در ، امپراطورک محاربه ميدانى اوزرنده کى اوامر و ترتيباتى بالنسبه ده آاز مسعودانه ايدى . دهشت و تلفاتک نفسنه اجرا ايلديكى تاثير ، مشاراليه موازنت روحيه سنى غائب ايتديره چک درجه ده عظيم ايدى .

۱۸۵۶ سنه سى نهايتندن برى ناپوليون . ايتاليانى آوستريانک حاکميتندن تخلص ايتمک ايجون ، بيه مونته ناظرى (قاوور) ايله مذاکرانده بولمقده ايدى .

بر سفر وقوعی نا قابل اجتناب کوروندیکندن ایمپراطور بوگا حاضر لایمقدمه ایدی .
 یکنی تأسیس ایدیلان شالون اردو کاھنده قول اردو جزؤ تامنده اوله رق خاصه
 عساکرینه بالذات تعلیملر ایتدیرمکده ایدی؛ ییولی طویلرک قبولی کندیسنه بیوک
 امیدلر ویرمکده ایدی . حربیه ناظری (وایان) بک چوق شی بائیموردی . ۲۱
 نیسان ۱۸۵۹ ده سفر برلک امری ویرلدیکی زمان پیاده آلایلرینی آنجق ۱۲۰۰
 موجوده ابلاغ . ییولی طویلر ایله یالکنز ۳۲ بطاریه تشکیل ایدمیلوردی .
 نابولیون یگیدن مرتب آلتی قول اردو ایله ایتالیایه داخل اولدینی زمان (رن)
 حدودینی محافظه ایتک ایچون اکثریسی قرعه افرادی اولق اوزره کیروده آنجق
 ۵۰,۰۰۰ نفر قالمقدمه ایدی . مؤخرأ عقد مصالحه یی تعجیل ایتمنک سبب اصلیمی
 بوندن عبارتدر .

ارکان حربیه رئیس اولق اوزره نابولیون برپارچه تردددن صکره حربیه
 ناظری (وایان) ی انتخاب ایتمش ایدی . (وایان) کندیسکی ایچون مساعد ایدی؛
 فقط اردو اداره سنه متعلق معلوماتدن بی بهره . آت اوزرندن یالکنز عادتاً کیمکه
 مقتدر یتمشک بر اختیار . مشارالیه ایچون برمظاهرت قویه تشکیل ایدمیور ایدی .
 حربی اعلان ایتک ویا ایتماک آرمسندنه ترددات داغ ایچنده قالدیقندن طولانی
 بر اساسی حرکات حربیه پلانی وجوده کله مامشدر . اعتماد و امنیت قازانش
 اولان جنرال (نیل) ک اصراری اوزرینه اردونک بر قسمی (مون سه ویسی)
 اوزرندن (تورمه) طوغری ایلرولمکه . قسم دیکرینک جنوده واپورلردن قرهیه
 چیقارلمسینه قرار ویرلدی . « فارس ده le hussard de génie » عنوانی
 آلمش اولان جنرال (فروسار) سواستوپول محاصره سندن بری مقتدر و ممتاز
 برمهندس (استحکام صنفندن) شهرتی آلمش ایدی؛ کندیسنک معلوماتی، جسارتی،
 متانت طبیعی، گرنک حضرده و گرنک محاربه ده جمله جه مصدق ایدی . مشارالیه
 نازک بر سرای آدمی گبی طاریه چیقارلق ایستندلی؛ بالعکس ایمراطوره قارشی
 بک بی پروا اولمقله برابر، آره صره رنجیده ایدمک قدر بر سر بستیه مالک .
 یعنی سوزنی اسیرکه من ایدی . مشارالیه آوستریالیره قارشی بر موضع مدافعه

انتخابی ایچون (تورەنە) اعزام ایدلدی . بوندن صکرە نە اولمق لازم کلەجکی
ناپولیون ایچون سفر برلکک بدایتندە مجهول ایدی .

بر آیین اناسسندە « ناپولیون (تویلری سرایی) کلیساسندە (سن ژەرمەن
بایست) (بیگباشی دو قورویل) ی کوردی ؛ آکا طوغری کیدەرك درت گوز
آرسندە دیمش ایدی ، که : « قائم پدرگز جنرال (ژومینی) نك ، اۆل امرده
(پۆ) و (تەش) نەرلرینی کچەجک اولان آوستریالیلر ایله اولەجق مصادمە مزە
دائر فکرنی اوگرتەك ایسترم » . سکسان یاشندە اولان (ژومینی) ، روسیە
جنرالی اولەرق اسباب صحیەدن طولایی بازسده یشامقدە ایدی . مشارالیه ناپولیونە
شویله یازمیش ایدی : « یالکیز اوج امکان واردر : (پۆ) نهرینی کچمک ایچون
آنک صاغ ساحلندن (پلاچنتیا) اوزرینە هجوم ایتمکدر ، که پک تهلکەلیدر ؛
مرکزە طوغری ایلروملک هم کوچ و همده امید بخشا برتشت دکلدز ؛ الحاصل
صولە طوغری یان یوروش اجرا ، دشمنک صاغ جناحنی چویرمک شرطیلە
(ماژانتا) جوارندە نهری مرور ایتک الک ایوسی در . » . بر آیی صکرە . ۲۶
مایسده ، ناپولیون متعدد سائر تجربەلردن صکرە صوگنچی پلانه قرار ویردی .
(مابعدی کلەجک نسخەدە)

